

陳朴四物湯

芩朮四物湯

芎歸六君子湯

柏子仁丸

二連四物湯

參脂四物湯

膠艾四物湯

膠艾湯

正氣天香散

固經丸

蓮子清心飲

再見

升陽舉經湯

蘭室升陽舉經湯

固下丸

白芷散

當歸煎丸

抑氣散

牡丹皮散

雄雞馬蘭湯

歸圓酒

啟宮丸

凡三十五方

內複見四

胎產部

當歸散

膠艾湯

再見

膠艾湯

紫酒

銀朮酒

黃芪苓朮湯

芎歸湯

鈎藤湯

羶羊角散

紫蘇飲

竹葉湯

天仙藤散

益胃升陽湯

再見

白朮湯

鯉魚粥

紫菀湯

安榮散

腎氣丸

再見

參朮飲

達生散

瘦胎飲

保生無憂散

加味芎歸湯

芎歸加黑豆湯

平胃加硝湯

黑神散

黑神散

失笑散

生化湯

當歸補血湯

再見

羊肉湯

生地黃連湯

愈風散

四物湯

三見

參朮膏

蓖麻子餅敷法

清魂散

三合散

逍遙散

見三

通脈湯

返魂丹

凡四十一方

內複見六

醫林纂要探源卷八

婺源汪紱雙池輯後學

吳縣徐望子丹
吳縣吳大彬俊卿
同邑程夢元岐園
溧陽強汝諤莘原
元和管禮昌叔王
慈谿林頤山晉霞

同校字

方劑

經帶部

男子十六歲而精通。則有父道。女子十四歲而天
癸至。則有母道。天癸將至。則血華於色。太衝脈盛
癸水也。血亦水也。而血屬於肝。水屬於腎。腎氣大
成。精通而血以溢。蓋天一生水。陽動陰中。則為生
木之始。腎主閉藏。肝主宣泄。閉藏者既滿。則宣泄
隨之。猶冬至一陽生。而草木萌動。及冬春之交。則
冰泮水流也。天癸既通。則盈虛以月為期。經血期
月而一行。是以謂之月經。蓋婦人陰也。血又婦人
之陰。月太陰。水之精魄也。故經應於月。三五而
盈。三五而缺。其缺。陰之陰。其盈。則陰之陽。是以盈虧

之際。爲婦人受孕之時。盈則將傾。不復受物。惟既傾之後。舊血已盡。新血方滋。因其虛而投之。則胎孕以成。乾主施。坤主受。而含物化光。夫胎以精成。精以血凝。如土膏潤澤得所。而後草木生。如或經血不調。則無能以成孕。而或盈虛之際。六淫感之。七情傷之。則生氣憊矣。所謂播五行於四時。和而後月生者。大抵先時爲熱。後時爲寒。過多者肝不能藏。過少者陰血不足。色青爲風。色白多痰。色紫爲熱。黑則熱甚。其或多或少。或先或後。則責之肝風。鬱而不行。行則暴下。責之肺燥。不止曰漏。暴下曰崩。下閉上涌曰逆經。淋漓如涕。或赤或白曰帶下。崩中者。衝任受傷。帶下者。帶脈不舉。要其傷必自六淫七情始。飲食失養。勞役色慾。皆伐天和。婦人之病。與男子同。惟經娠之治。爲有稍異。究之培養天和。經娠自治。探原論治。理無或殊。至若有終身不行經。而能受孕者。有闕一時而行。謂之四季經者。有經不下行。但如期而鼻衄者。有雖已受孕而經不爲止者。此則稟受之殊。非可以常理盡也。曰。然則何以知其非病。曰。其人無病也。

四物湯局方

治一切血虛及婦人經病。

方已見肝部。婦病多主四物湯。婦人猶土也。土以稼穡為功。土膏足而後稼穡興焉。四物補肝。而萃津液以歸於肝。所以稼穡也。種之曰稼。人知四物之滋陰。而不知斂之曰穡。

四物所以養陽。其滋血陰也。其補肝陽也。君以當歸。佐以川芎。皆辛

以補肝。而月事猶溝洫焉。肝腎啟閉以時。涸則滋之。盈

則決之。地芍主滋。苦堅酸斂。歸芎主行。甘補辛散。凡酸味所以收津液而萃之。凡辛味所以導津液而

行。要以常流而不竭。則旱潦無憂。所以能稼穡也。故歸芎為

主。水以陰壯。以陽行。天一生水。水屬之太陽。而徑一圍

三。生氣流行。則水以生木。故婦人經娠之病。不能離歸芎焉。

艾附煖宮丸

治子宮虛冷。月事不調。不能受孕者。

當歸

四兩酒洗

生地黃

三兩酒潤

白芍藥

二兩炒

川芎

二兩○此

四物湯也。

艾葉

二兩○苦溫。堅腎固命門。溫中去寒濕。守在下焦。能煖子宮。調經血。安胎孕。治崩漏。

療冷痢。

香附

二兩童便鹽水酒醋各浸三日。謂之四製。行氣中之血。本婦

人經血主藥。而性主行氣舒脾。用童便浸之。引使下行。於下焦子宮。用鹽水浸之。以使行腎氣於肝。用酒以引歸血分。用醋兼以斂陰。且其性快利。制之使就平和也。

米醋丸

醋酸溫。瀉瘀血。聚新血。斂真陰。

而養少陽。

四物以榮肝血。艾附以煖子宮。子宮無形。卽下焦受孕之處。亦肝脈及經血所

行也。醋以斂之。使不妄行。要以溫養子珠。此謂命門火。而爲生

物之本。此以治虛寒清燥。寒水氣。燥金氣。而肝腎之陽不足者。

婦寶丹

治肝腎虛寒。月水不調。

卽前方加阿膠。二兩。養腎滋陰。潤燥除寒。澄清腎水之穢濁。

寒責之虛。而亦有外淫乘之。澄之以阿膠。則血分清而

肝腎亦得所養。阿膠亦經胎要藥。

四神湯

治婦人血虛。心腹疴痛。按血虛則經少可知。血虛不至有心腹痛。而心腹急痛。則血分挾寒。阻抑衝任。

而衝任之冷氣上逆故急痛也。

當歸四錢 川芎 芍藥 乾薑各二錢。辛以補肝而主氣分。蓋當歸補肝血

之虛。川芎以行血中之氣。芍藥以斂津液而萃之。而乾薑則亦能隨三物以去血中所挾之寒耳。謂乾薑能引血藥入血分。則亦非也。

此治血分之挾寒者。以挾寒故去生地而易用乾薑。然虛寒亦可通治。四神之名。則未知所謂。

薑附六合湯

治寒阻經血不行。兼見沈寒症者。

四物加乾薑二錢 附子一錢

沈寒之甚。非薑附不能除。寒甚而經絕不行。可加肉桂。

此用桂附。則須留生地以配之。而後桂附不至上僭。○
嘗治一婦。本蘇州人。體肥而畏暑。夏食冰太過。積冷日
深。初時不覺。久之月事遂絕。少腹常微痛。兩股不溫。用
腎氣丸不效。用四物加桂附。乾薑四五劑。而腹痛止。兩
股復溫。更加桃仁紅花少許。
又數劑。而經動。次年有子。

羌活六合湯

治風阻經血不行。或行而暴下不常。色青如醬汁。
多寡不常。且兼作熱。畏風及風虛眩暈。風祕便難。

四物加羌活

防風

各二錢

羌防本肝藥。合四物以祛血中之風。一方加秦艽。

能入肝腎

之際。以活血榮筋。祛風去濕。

人參荊芥散

婦寶

治血風勞。按婦當經期。舊血已傾。新血方至。此時而
感於寒風暑濕燥熱。則外淫乘虛。必入於血分。積久

不治皆至成勞。不獨風也。而風木同氣。則尤易乘。肝虛又自生風。內外合淫。於是月事不調。血氣滯痛。寒熱往來。怔忡盜汗。煩怠食少。諸症作焉。此其見症。不專於風。而總歸肝風。故曰血風勞。

人參 白朮 熟地黃 酸棗仁炒 鼈甲童便 鱘

羊角 枳殼 柴胡 荊芥 防風各五分 甘草炙

川芎 當歸 桂心各三分 加薑煎。

陳來章曰。血中之風。荊芥防風散之。木盛生風。鱘羊角

柴胡平之。按肝虛生風。非木盛生風。柴胡能升散肝氣。非平肝風。陰虛發熱。地黃

鼈甲滋之。血氣滯痛。月水不調。川芎當歸桂心枳殼調

之。煩怠食少。盜汗心忡。人參白朮炙草棗仁補而散之。

愚按此方似雜而無統。殊未愜意。姑備之耳。用者宜更

斟酌之

逍遙散

治月經不調。按此症多歸之肝虛生風。風生而相火隨動。風火勢盛。暴動無常。則寒熱往來。久之而骨蒸勞熱。咳嗽煩渴。真成勞症矣。揆厥所由。每自肝血風虛始。

方已見肝部。肝何以虛。肝生氣也。而以血榮。所稟薄而

氣無以倡。血則肝虛。此得之稟受者。所虛多而氣血潛耗。則肝

虛。肝藏血。心用血。思慮過則用血多。而脾之所生。肝之所藏。皆不足以給其用。肝失所榮。而肝虛矣。女子善

懷。故婦人婦人有月事。肝司之。女子太衝脈盛而經通。則肝司月事明矣。舊

血方傾。新血未萃。則此時亦肝虛。此專主月事言。方虛而勞役

傷之。七情感之。六淫乘之。湊於所虛。而肝病矣。凡鬱生

燥

鬱則生意不舒。淒清挐縮。是燥金之氣傷肝木也。

凡動生風。

木生本靜。靜則得所養而生意。

自然條達。

一有所拂。則肝性本急。因而暴動。糾紛繆戾。而為風象。此之謂肝虛生風。凡感而動則皆然。不獨外

淫也。

風燥則血枯。風則氣亂。風遏於燥。展轉盤薄。而相

火併作。月事不調。有至於骨蒸勞熱者。當歸煨薑以厚

補其肝。

君當歸以足肝血。佐煨薑以益肝氣。

白朮茯苓以厚培其土。

所以

根。

柴胡薄荷以升達其鬱。

所以達其枝。

芍藥以節之。

斂其過散。甘

草以緩之。

緩其過急。

木遂其生。逍遙和適。月事自調。風平火

靜。此方可謂婦寶。

薛氏加丹皮。梔子。血熱甚者可用。趙養葵易梔子以茺莢炒黃連。尤見用

意精密。

小柴胡湯

治婦人傷寒熱入血室。蓋傷寒必作熱。熱盛而適當經期。則肝血方虛。而熱邪乘虛入之。血室者。衝脈所榮。即肝脈所溢之道。熱與血併。而寒方外遏。於是寒熱往來。與少陽經傷寒相似。其異者。不為耳聾口苦。而日暮譫語。如見鬼狀。以血固屬陰。而陰陽乖舛。故也。此不獨傷寒。風暑清燥。皆足致之。乍有驚恐忿怒。亦足致之。治通用此湯。宣達肝鬱也。

方已見寒部。熱入血室。熱溲所虛也。熱本吾身之陽。但

拂逆而繆戾之。則為熱耳。拔陽氣於陰中而升散之。柴胡

半夏拔而升之。生厚土以培之。使陽升而陰亦得所養。

薑助肝氣而散之。厚土以培之。使陽升而陰亦得所養。

人參甘草大棗以補中氣。即可以萃陰血。略為平其熱焉。黃芩陽不鬱而肝氣

和。熱氣消而血室亦淨。血復其常矣。亦逍遙之道也。但逍遙散厚補肝虛。故君當歸。佐以乾薑。此以拔熱於血室。則君柴胡。佐以半夏。

調經湯

治經血不調日久虛勞微有潮熱。

柴胡

二錢

半夏

一錢二分

生薑

黃芩

人參

甘草

各八

分

大棗

三枚。即小柴胡湯。約以今用分兩如此。

當歸

二錢

白芍

生

地黃

川芎

各一錢。此用四物湯之半。

合小柴胡四物二方。以去肝鬱。且補肝虛。所以調經之

道也。

或用四物二分。小柴胡一分。名柴胡四物湯。治同。醫者視輕重加減可也。

梔連四物湯

治挾暑挾熱而經阻。或因怒傷經。血少目暗。

四物湯加黃連

梔子

各二錢